



## U ovom broju:

- ➔ **UGOVORI ZA I DIO KAPITALNIH PROJEKATA**
- ➔ **NASTAVAK GRADNJE ŠKOLSKIH SALA NA PODRUČJU OPĆINE TEŠANJ**
- ➔ **ODRŽAN SAJAM PRIVREDE TEŠANJ 2017**
- ➔ **PODRŠKA MARGINALIZIRANIM GRUPAMA**
- ➔ **MARŠ MIRA TEŠANJ-SREBRENICA**
- ➔ **BIZNIS IDEJE MLADIH**
- ➔ **PRIJEM NAJBOLJIH UČENIKA**
- ➔ **OMLADINSKA BANKA**



**OPĆINA TEŠANJ**

Trg Alije Izetbegovića 11

[www.opcina-tesanj.ba](http://www.opcina-tesanj.ba)

e-mail: [optesanj@bih.net.ba](mailto:optesanj@bih.net.ba)



# KONKURS ZA DODJELU NOVČANE POMOĆI ZA NABAVKU OBAVEZNIH UDŽBENIKA DJECI BRANILACA ZA ŠKOLSKU 2017/2018. GODINU

Ministarstvo za boračka pitanja ZDK na web stranici Kantona objavilo je Konkurs za dodjelu novčane pomoći za nabavku obaveznih udžbenika djeci branilaca za školsku 2017/2018. godinu.

Konkurs ostaje otvoren 20 dana od dana objavljivanja (od 05.07. 2017. godine do 25.07.2017. godine). Prijave na konkurs sa potrebnom dokumentacijom za djecu pripadnika branilačke populacije podnosi roditelj – staratelj u Općini Tešanj, Službi za boračko-invalidsku zaštitu i opće poslove.

Konkurs je istaknut na oglasnoj ploči Općine Tešanj, oglasnim pločama boračkih udruženja, a možete ga pogledati i na [www.opcina-tesanj.ba](http://www.opcina-tesanj.ba)

POMOĆNIK OPĆINSKOG NAČELNIKA  
Sabahudin Omerbašić, profesor



Izdaje: **OPĆINA TEŠANJ**

**Redakcija:**

Edina Kadušić, Samir Brka,  
Kanita Gredelj i Bahrudin Noćić.

**Glavni i odgovorni urednik:**

Edina Kadušić

**Adresa Redakcije:**

Općina Tešanj, Trg Alije Izetbegovića 11  
74260 Tešanj

**Telefoni:** 032 650-341 i 032/650-022 (lokal 107)

**Fax:** 032/650-220

**E-mail:** [press@opcina-tesanj.ba](mailto:press@opcina-tesanj.ba)

**Tiraž:** 2.000

**Štampa:** Grafik-komerc

## ZBRINJAVANJE KOMUNALNOG OTPADA

U cilju dostizanja vizije *Tešanj, sredina ekološke svijesti, čistoće i reda*, a radi adekvatnog zbrinjavanja komunalnog otpada i sprečavanja nastanka divljih deponija, Federalno ministarstvo turizma i okoliša, Općina Tešanj i JP Rad finansiraju projekat nabavke 200 posuda/kanti za zbrinjavanje komunalnog otpada, 200 kompostera za organski otpad i jedne prese za baliranje komunalnog otpada. Ukupna vrijednost projekta iznosi 108.000 KM, a projekat sufinansiraju Federalno ministarstvo okoliša i turizma u iznosu od 72.000 KM, Općina Tešanj sa 18.000 KM i JP Rad sa 18.000 KM.

Nabavka hidraulične prese će omogućiti lakšu manipulaciju sa iskoristivim komunalnim otpadom prije njegove otpreme na reciklažu. Kante za privremeno odlaganje otpada bit će bez naknade podijeljene novim korisnicima koji potpišu ugovor sa *JP Rad* o organizovanom odvozu komunalnog otpada, a komposter i organski otpad bit će podijeljeni kao pilot projekat primarnog razdvajanja organskog otpada. Uskoro će biti objavljen javni poziv za građane sa svim potrebnim informacijama.

Ugovor za nabavku posuda za privremeno odlaganje komunalnog otpada i kompostera za organski otpad potpisan je u kabinetu Načelnika općine Tešanj. Ugovore su potpisali Načelnik općine Tešanj i direktor *JP Rad*, te direktori odabranih ponuđača, firmi *Faro Zenica* i *Hypomarket Srebrenik*.

Kriteriji za podjelu bit će naknadno utvrđeni od strane Općine Tešanj i *JP Rad* i objavljeni putem medija.



# UGOVORI ZA I DIO KAPITALNIH PROJEKATA

Nakon provedene procedure javne nabavke, u Općini Tešanj su potpisani ugovori za prvi dio kapitalnih projekata za 2017. godinu. Ugovore su potpisali Općinski načelnik Suad Huskić i predstavnici firmi **Doboj putevi d.o.o. Doboj Jug** (za projekte: Asfaltiranje puta Čamdžići-Ljeskovac, Asfaltiranje puta Agići-Bajna bašta, Asfaltiranje puta Širbegovići, Asfaltiranje puta Donja mahala, Asfaltiranje puta Bare-Palučak, Asfaltiranje puta Gornje Bobare-Križ, Asfaltiranje puta Trzna Krušćik II faza, Asfaltiranje puta Hrnjići lifaza, Asfaltiranje puta u naselju Pelte i Asfaltiranje puta Halilovići-Alići), **Špic beton d.o.o. Zenica** (za za projekte: Asfaltiranje puta Trnovac-Barići, Asfaltiranje puta Bedaci-Numera i Asfaltiranje puta Brezovača), **AB trans d.o.o. Tešanj** (za projekte: Asfaltiranje puta Bare-Zlatići, Izgradnja pješačke staze Karadaglije-Koprivci-Jablanica) i **Trans kop d.o.o. Tešanj** (za projekat Izgradnja puta Rastoke).



Danas smo potpisali 16 ugovora za prvi dio kapitalnih projekata koji će biti finansirani iz našeg budžeta. U toku je ugovaranje i druge grupe projekata. Očekujem da će svi projekti biti uspješno realizovani do kraja građevinske sezone, kazao je Općinski načelnik Suad Huskić.

Ukupna vrijednost potpisanih ugovora je 319.727,40 KM.

## NASTAVAK GRADNJE ČETIRI ŠKOLSKE SALE NA PODRUČJU OPĆINE TEŠANJ

Općinski načelnik Suad Huskić i predstavnici firmi **Inžinjeri d.o.o. Tešanj** i **Nedjing d.o.o. Tešanj** potpisali su ugovore za nastavak gradnje četiri školske sale u Kaloševiću, Jablanici, Miljanovcima i Šijama. Vrijednost potpisanih ugovora je 316.107,89 KM.

Nastavljamo gradnju četiri školske sale koje zajednički finansiramo sa Ministarstvom obrazovanja, nauke, kulture i sporta. U projekat gradnje školske sale u Šijama uključila se i mjesna zajednica vlastitim sredstvima, dok je u gradnju preostale tri dvorane planirano uključivanje sredstava UNDP-a. Ukupna sredstva koja će biti uložena za ove četiri školske sale u prošloj i ovoj godini iznose 520.000 KM, kazao je Općinski načelnik Suad Huskić

Ministar za obrazovanje, nauku, kulturu i sport ZDK Mensur Sinanović i Općinski načelnik Suad Huskić isti dan su potpisali Ugovor o zajedničkom finansiranju nastavka gradnje četiri školske sale za 2017. godinu.

Ministarstvo obrazovanja, nauke, kulture i sporta ZDK u ove dvije godine je za projekat izgradnje četiri školske sale na području općine Tešanj izdvojilo 200.000 KM. Nadamo se da će ovaj projekat biti završen sljedeće godine, istakao je Ministar obrazovanja, nauke, kulture i sporta ZDK Mensur Sinanović. Potpisivanju ugovora su prisustvovali i predstavnici firmi koje vrše nadzor nad radovima, predstavnici mjesnih zajednica Kalošević, Jablanica, Miljanovci i Šije, kao i direktori ove četiri škole.



# ODRŽANA 9. SJEDNICA OPĆINSKOG VIJEĆA

U petak, 30. juna u sali Općinskog vijeća održana 9. sjednica Općinskog vijeća Tešanj sa početkom u 15,30 sati, sa predloženim dnevnim redom:

1. Predstavljanje Projekta općinskog okolišnog i ekonomskog upravljanja MEG – UNDP,
2. Prijedlog Odluke o realizaciji projekta vodosnabdijevanja "Vodovod Tepe-Hrvatinovići",
3. Prijedlog Odluke o izmjeni i dopuni Odluke o iznosu priključka na vodovod "Pousorje",
4. Prijedlog Odluke o izmjeni Odluke o usvajanju Programa novčanih podsticaja za unapređenje poljoprivredne proizvodnje na području općine Tešanj u 2017. godini,
5. Prijedlog Odluke kojom se odobrava, radi izgradnje trafo stanice, prodaja neposrednom pogodbom nekretnine u vlasništvu Općine Tešanj,
6. Prijedlog Odluke o raspolaganju nekretninama Općine Tešanj koje su u evidenciji o zemljištu upisane na mjesne zajednice,
7. Prijedlog Odluke o izmjeni Odluke o ustupanju prava korištenja na zgradi za Poreznu upravu u Tešnju,
8. Prijedlog Odluke o dopuni Odluke o korištenju javnih površina,
9. Rješenje o imenovanju članova drugostepene komisije za rješavanje po žalbama protiv rješenja općinskih organa uprave.



O svim tačkama dnevnog reda Vijeće je raspravljalo i završilo sa radom u 16,55 sati.

Prije održavanja sjednice Općinskog vijeća, održana je i Panel diskusija: *Otvoreni sastanak sa vijećnicima Općinskog vijeća*, a u okviru Projekta Jačanje uloge mjesnih zajednica u BiH.

## JAČANJE ELEKTROENERGETSKOG SEKTORA NA PODRUČJU OPĆINE TEŠANJ

Općinski načelnik Suad Huskić sa saradnicima održao je sastanak sa predstavnicima *Elektroprenosa BiH* i Vlade Federacije BiH u vezi gradnje 110 kV trafo stanice za područje općine Tešanj i novog dalekovoda. Sastanku su prisustvovali Alaudin Alihodžić, Izvršni direktor za planiranje i inženjering u *Elektroprenosu BiH*, savjetnik Premijera FBiH Gordan Čahtarević i Širaza Brka, Kabinet Premijera FBiH.



Prošle godine je usaglašena lokacija za gradnju nove 110 kV trafo stanice u poslovnoj zoni Glinište i trenutno je u toku javna nabavka za investiciju cca 6 miliona KM. Očekivanja su da se posao realizuje do kraja 2018. godine.

Na sastanku je razgovarano posebno o narednoj fazi, gradnji 110 kV dalekovoda Tešanj - Jelah. Općina Tešanj je stava da je poželjno da se gradi podzemni vod, a ukoliko to nije moguće da se koristi

trasa postojećeg dalekovoda Tešanj - Jelah. Razlog je nastojanje da se sačuva zemljište za stambenu i poslovnu gradnju, tj da se izbjegne zauzimanje slobodnih površina novim dalekovodima.

Dogovoreni su naredni koraci u realizaciji obje cjeline projekta (trafo stanica i dalekovod) jačanja elektroenergetskog sektora na području općine Tešanj.

# PRIJEM NAJBOLJIH UČENIKA

Za učenike generacije, učenike sa posebnom diplomom i učenike sa ostvarenim značajnim rezultatima na takmičenju, te direktore škola, profesore i nastavnike koji su učenike pratili na takmičenja, upriličen je tradicionalni prijem Općinskog načelnika.

Ove godine ukupno je 81 učenik (12 učenika generacije, 52 učenika sa posebnom diplomom, te 17 učenika sa ostvarenim značajnim rezultatima na takmičenju) od Općine Tešanj dobilo prigodne poklone i novčane nagrade za postignute rezultate.

Čestitke najboljim učenicima uputili su Općinski načelnik Suad Huskić i predsjedavajući Općinskog vijeća Senad Subašić, koji su u svom obraćanju posebno istakli važnost ovako dobrih rezultata prvo za učenike, a onda i za zajednicu. Također, podsjetili su da Općina Tešanj posebnu pažnju povećuje mladim ljudima kroz različite projekte.

Inače, ovaj prijem je već postao tradicionalan i ima za cilj, između ostalog, da afirmiše mlade uspješne učenike i sportiste i da ih podstakne na dalji rad i napredovanje.



## ODRŽANE SPORTSKE IGRE MLADIH

U Tešnju su održane Sportske igre mladih, takmičenje koje se već treću godinu održava u našem gradu, za učesnike do 15 godina.

Ove godine zabilježen je rekordan odziv takmičara u disciplinama Quickie CUP u igri između dvije vatre, Bingo CUP u uličnoj košarci, AzelFrance CUP u stonom tenisu i Coca-Cola CUP u malom nogometu/fudbalu.

Igralo se na dvije lokacije, u sportskoj dvorani JU Sportsko-rekreativnog centra Tešanj i u fiskulturnoj sali OŠ Huso Hodžić Tešanj.

Finalno takmičenje će biti održano u augustu u Sarajevu i sudjelovat će skoro 2.000 djece iz cijele Bosne i Hercegovine, dok će pobjednici Finalnog takmičenja u Sarajevu učestvovati na Međunarodnom finalu Sportskih igara mladih u Splitu.



## ODRŽAN 13. SAJAM PRIVREDE TEŠANJ 2017

U organizaciji Udruženja privrednika *Biznis centar Jelah, Tešanj* 18. maja je u Kraševu otvoren 13. Sajam privrede Tešanj 2017 koji je okupio više od 200 izlagača iz Bosne i Hercegovine i zemalja regije.



Svečanom otvorenju Sajma prisustvovala su zvanice sa državnog i federalnog nivoa, kao i ambasadorica Njemačke u BiH Nj.E. Christiane Hohmann. Partneri ovogodišnjeg Sajma su bili Republika Njemačka i Privredna komora Federacije Bosne i Hercegovine.

*Sajam privrede i prezentacija ekonomskih potencijala za nas predstavlja smotru poduzetništva, predstavlja priliku da skrenemo pažnju na ekonomiju, na privređivanje, na proizvodnju. Današnji Sajam doživljavamo kao svečanost u kojoj odajemo počast radu i poduzetništvu, kazao je Općinski načelnik Suad Huskić.*

Prigodnim govorom, mnogobrojnim gostima su se obratili i predsjednik Udruženja privrednika *Biznis centar Jelah, Tešanj* Edin Jabandžić, predsjednik Privredne komore FBiH Marko Šantić, Premijer ZDK Miralem Galijašević, Ambasadorica Njemačke u BiH Nj.E. Christiane Hohmann, Premijer Vlade FBiH Fadil Novalić, Predsjednik Federacije BiH Marinko Čavara, dugogodišnja zastupnica u Europskom parlamentu Doris Pack i Predsjedavajući Vijeća ministara BiH Denis Zvizdić.

Sajam su svečanim presjecanjem vrpce otvorili predsjednik Udruženja privrednika Edin Jabandžić, Ambasadorica Njemačke u BiH Nj.E. Christiane Hohmann i Predsjedavajući Vijeća ministara Denis Zvizdić.

## DUGOGODIŠNJA ZASTUPNICA U EUROPSKOM PARLAMENTU DORIS PACK POSJETILA TEŠANJ

Dugogodišnja zastupnica u Europskom parlamentu Doris Pack i dr. Lars Hänsel, šef Odjela za Europu i Sjevernu Ameriku u Centrali Fondacije Konrad Adenauer posjetili su Općinu Tešanj kako bi se

sastali sa načelnicima općina Tešanj, Teslić i Žepče. Tokom sastanka, razgovarano je o uspješnoj saradnji ove tri općine.

*Oduševljena sam saradnjom općina Tešanj, Teslić i Žepče. Drago mi je da je novac iz Evropske unije došao u prave ruke, s obzirom da se radi o području koje je plodno za poduzetništvo, kazala je Doris Pack, dugogodišnja zastupnica u Europskom parlamentu.*



*Cilj sastanka je da predstavimo saradnju naše tri općine, kako bi i drugi slični primjeri dobili podršku za slične projekte. Sretni smo da je Njemačka partner ovogodišnjeg Sajma, kazao je Općinski načelnik Suad Huskić.*

# SVEČANA PRIMOPREDAJA DEMINIRANIH POVRŠINA

Krajem aprila u Općini Tešanj održana je svečana primopredaja deminiranih površina na području općine Tešanj i grada Doboja koje su finansirane sredstvima Vlade Japana putem Ambasade Japana u BiH. Svečanoj ceremoniji primoprede su prisustvovali Ambasador Japana u BiH Kazuya Ogawe, Općinski načelnik Suad Huskić, Gradonačelnik Doboja Obren Petrović, te predstavnici BHMAC-a.

Općina Tešanj je kroz grant sredstva Vlade Japana za podršku aktivnostima deminiranja realizovala 10 projekata ukupne površine 459.142 m<sup>2</sup> vrijednosti 681.091,36 KM, dok je Grad Doboj kroz grant sredstva Vlade Japana za podršku aktivnostima deminiranja realizovao 5 projekata ukupne površine 336.188 m<sup>2</sup> vrijednosti 376.402,00 KM.

*Sretan smo što smo u Tešnju upriličili svečanost povodom završetka projekata deminiranja za koji smo ugovor potpisali 2014. godine. Za odobreni iznos od 740.000 KM planirano je deminiranje sedam lokacija sa ukupnom površinom od 265.000 m<sup>2</sup>. Do kraja realizacije projekta utrošili smo sredstva u iznosu od 681.091,36 KM za deminiranje 459.142 m<sup>2</sup>. Dakle, uradili smo puno više od planiranog za manje novca. Iskreno se zahvaljujem Vladi, Ambasadi i narodu Japana, kazao je Općinski načelnik Suad Huskić.*



Projekti su kandidovani 2012. godine u okviru javnog poziva za dodjelu grant pomoći za GRASS ROOTS projekte (GAGP), te nakon evaluacije oni su odobreni i realizovani 2014. i 2016. godine.

Vlada Japana putem Ambasada Japana u BiH, duži niz godina pruža finansijsku podršku projektima deminiranja u BiH, te je ova finansijska pomoć najznačajnija podrška i u realizaciji projekata u općini Tešanj i gradu Doboju.

# RASTEREĆENJEM PRIVREDE DO NOVIH RADNIH MIJESTA

*Rasterećenjem privrede do novih radnih mjesta*, naziv je Biznis foruma koji je u organizaciji Instituta za razvoj mladih KULT i Općine Tešanj održan u Tešnju.

Forum su otvorili Ministar za privredu ZDK Zlatko Jelić, Izvršni direktor Instituta za razvoj mladih KULT Jasmin Bešić i Općinski načelnik Suad Huskić.

Cilj Forumu je razgovor privrednika, predstavnika institucija vlasti, stručnjaka iz oblasti ekonomije, poslovnog okruženja i zapošljavanja, te mladih poduzetnika o problemima, ali i mogućim rješenjima kada je u pitanju privreda u Bosni i Hercegovini.



*Trenutna ograničenja i mogućnosti za rast privrede*, je bila tema prve panel diskusije na kojoj su govorili Zdravko Čerović, pomoćnik Ministra za razvoj, poduzetništvo i obrt FBiH, Edin Jabandžić, predsjednik Udruženja privrednika Biznis centar Jelah Tešanj, Dženan Kulović, ekonomski stručnjak, Ajka Baručić, ekonomski stručnjak i Nejra Neimarlija Roić, ekonomski stručnjak.

Tema drugog panela je bila *Privreda i nezaposlenost: Kako vlasti mogu potaknuti zapošljavanje i samozapošljavanje, posebno mladih*, a govorili su Sehadet Hadžić, rukovodilac u Službi za zapošljavanje ZDK, Borislav Tešić, načelnik Odjeljenja za privredu Opštine Teslić, Hamzalija Hojkurić, pomoćnik Općinskog načelnika Općine Tešanj i Haris Smajlhodžić, vlasnik firme HIT Design d.o.o. Tešanj.

*Biznis forum Rasterećenjem privrede do novih radnih mjesta organizovao je Institut za razvoj mladih KULT uz podršku Općine Tešanj, a u okviru Projekta održivosti civilnog društva u Bosni i Hercegovini (CSSP), koji realizuju Centri civilnih inicijativa (CCI) i Centar za promociju civilnog društva (CPCD), a koji je podržan od Američke agencije za međunarodni razvoj (USAID).*

## SASTANAK SA PREDSTAVNICIMA MJESNIH ZAJEDNICA



Tokom maja i juna održani su radni sastanci sa predsjednicima savjeta mjesnih zajednica Mrkotić, Tešanj, Piljužići, Rosulje i Bukva na kojima se uglavnom razgovaralo o pripremama za realizaciju projekata sa Liste kapitalnih projekata za 2017 godinu, kao i o drugim pitanjima i problemima na koje nailaze predstavnici mjesnih zajednica tokom realizacije redovnih aktivnosti.

Ovi sastanci su rezultirali dogovorom o konkretnim aktivnostima koje treba da se realizuju u narednom periodu, a koje za cilj imaju nastavak dobre saradnje, te stvaranje povoljnijeg ambijenta i poboljšanja uslova za život i rad građana, kako ovih mjesnih zajednica, tako i cijelog područja općine Tešanj.

Općinski načelnik je iskoristio ove sastanke kako bi se zahvalio predstavnicima mjesnih zajednica na izdvojenom vremenu za aktivnosti koje realizuju i nesebičnom zalaganju koje za cilj ima razvoj sredina koje oni predstavljaju.

## OBILJEŽAVANJE DANA MJESNIH ZAJEDNICA



Tokom mjeseca maja mjesne zajednice Kalošević, Piljužići i Ljetinić su organizovale kulturno sportske manifestacije *Dani mjesne zajednice*. Cilj ovakvih događaja je uključivanje što većeg broja građana, kako bi bili informisani o dosadašnjim aktivnostima i planovima organa mjesnih zajednica, te eventualno dali i svoj doprinos.

U svakoj mjesnoj zajednici koja planira i realizuje aktivnosti na obilježavanju Dana mjesne zajednice posebna pažnja se posveti onima koji

su dali svoj život da bi očuvali ove prostore od najezde agresora u periodu 92-95, našim poginulim borcima - šehidima.

Općina Tešanj je pored finansijske podrške ovih aktivnosti mjesnih zajednica, obezbijedila i prisustvo predstavnika općinske uprave na pojedinim sadržajima. I u narednom periodu Općina Tešanj će pružiti podršku za organizovanje ovakvih i sličnih sadržaja, u skladu sa raspoloživim sredstvima



# JAČANJE ULOGE MJESNIH ZAJEDNICA U BOSNI I HERCEGOVINI

Krajem maja i tokom juna 2017. godine nastavljene su intenzivne aktivnosti mjesnih zajednica - partnera u Projektu *Jačanje uloge MZ u BiH*, koji finansiraju vlade Švicarske i Švedske, a implementira UNDP BiH.

U okviru ovog Projekta realizovane su sljedeće aktivnosti:

- Sastanak u Sarajevu 31.05.2017. godine sa ciljem informisanja učesnika o daljnjim aktivnostima koje za cilj imaju realizaciju najuspješnijih ideja sa *START UP* dana.
- Prisustvo na motivacijskoj radionici u Gračanici 06.06.2017.godine.
- Edukacija predstavnika mjesnih zajednica na temu *Lobiranje i zagovaranje* u Tešnju 07.06.2017.godine.
- 18.05.-12.06.2017. godine mjesne zajednice, partneri u projektu su imale otvoren javni poziv za kandidiranje projekata prema UNDP-u za 2017. godinu. Svih šest mjesnih zajednica su ovaj posao na vrijeme uradile. Izvršena je evaluacija i potrebne korekcije, te očekujemo da će za ove projekte biti raspisan poziv za javne nabavke do kraja jula 2017. godine. Bitno je napomenuti da su četiri mjesne zajednice (Jablanica, Jelah, Kalošević i Tešanjka) imale obavezu ponovnog održavanja sastanaka sa građanima kako bi definisale prioritete za ovu godinu i taj posao su uradile uspješno i na vrijeme.



## IZ RADA MJESNIH ZAJEDNICA

Pored redovnih aktivnosti koje obavljaju organi mjesnih zajednica, a koje su se uglavnom odnosile na proljetno uređenje mjesnih zajednica, početak aktivnosti na održavanju puteva, izvještavanje o aktivnostima i projektima predstavnici mjesnih zajednica su uzele svoje učešće i u zajedničkim aktivnostima kao što su:

- organizovana posjeta predstavnika mjesnih zajednica Sajmu privrede 20.05.2017.godine;
- Prisustvo na redovnoj edukaciji na temu *Elektronska razmjena podataka- efikasnost i ekonomičnost u radu MZ* koja je realizovana 25.05.2017.godine.
- Za predstavnike mjesnih zajednica Općinski načelnik organizovao je lftar 22.06.2017.godine.



# POTPISANI UGOVORI U OKVIRU PROGRAMA PODRŠKE MARGINALIZIRANIM GRUPAMA

U okviru projekta *Program podrške marginaliziranim grupama*, Američke agencije za međunarodni razvoj **USAID (USAID/PPMG)** u saradnji sa jedinicama lokalne samouprave, u Općini Tešanj je potpisano 14 ugovora. Sredstva za ovaj program su zajedno obezbjedile Američka agencije za međunarodni razvoj **USAID** i Općina Tešanj.

Ugovore su potpisali Jasmin Bešić, direktor Programa podrške marginaliziranim grupama i Općinski

načelnik Suad Huskić, te 14 aplikantica (Suada Mujkić - proizvodnja i prerada ljekovitog bilja, Jasmina Subašić - tašnar, Medina Mahmutović - proizvodnja pečene kocke, Hatidža Haušić - krojač, Mina Roša - stočarstvo, Emina Husanović - plastenička proizvodnja, Emina Podrugović - frizer, Ajla Đonlagić - organizacija događaja, Elmina Tokmić - frizer, Alma Kokić - frizer/kozmetičar, Alisa Hatkić-Davarović - kreacija ukrasnih predmeta, Ivana Mandić - fizioterapeut, Erna Hasanbašić - kozmetičarka i Himzeta Mujkanović - autolimar.

*U konačnici danas potpisujemo ugovore, i ova sredstva će omogućiti nova radna mjesta ali i nove poslovne subjekte. Na taj način povećavat će se i obim broja zaposlenih, ali i prihodi stanovništva općine Tešanj,*



kazao je Općinski načelnik Suad Huskić.

Pomoć je usmjerena marginaliziranim grupama žena koje su u dugoročno nepovoljnom položaju i koje se, prema brojnim statističkim podacima, svakodnevno dovode na margine društva. U okviru ovog projekta za projekte na području općine Tešanj obezbijeđeno je 90 hiljada maraka.

## SVEČANO OTVORENA FIRMA LOKWOOD

Vlasnici firme *Pilat&Pilat Produkties* iz Holandije, Gjalt Pilat i Ton Slotboom u Industrijskoj zoni Bukva u maju su upriličili svečano otvorenje firme *Lokwood*. Svečanosti otvorenja su, osim vlasnika i uposlenika firmi *Nord ent* i *Lokwood* prisustvovali Općinski načelnik Suad Huskić, gosti i privrednici iz Tešnja, kao i 125 gostiju i zvanica iz Holandije.

*Ponosan sam da u Tešnju posluju firme iz Holandije, ali i drugih evropskih zemalja. Nadam se da će se ova firma razvijati i dalje, a vlasnicima i uposlenicima želim puno uspjeha u radu i u narednom periodu,* kazao je Općinski načelnik Suad Huskić.

Firma *Nord ent*, koja je dio ove grupacije u Tešnju posluje od 2003. godine.



# UGOVOR ZA PREOSTALE RADOVE NA VODOVODU MEDAKOVO – TREPČE

Potpisan je ugovor za preostale radove na izgradnji vodovoda *Medakovo - Trepče*, koji podrazumjevaju gradnju tri pumpne stanice i dijela distributivnih cjevovoda. Ugovor su potpisali Općinski načelnik Suad Huskić i direktor firme *AB trans d.o.o.* Tešanj Almir Brka. Vrijednost ugovora je 131.625,00 KM. Ovih dana je planirana primopredaja preostalih radova od prethodnog izvođača, firme *ŠF inženjering*, sa kojima je početkom maja raskinut ugovor nakon što nisu ispoštovali obaveze i rokove iz potpisanog ugovora.

Prema danas potpisanom ugovoru, u narednih 40 dana se očekuje završetak radova, a ranije je potpisan i ugovor sa *JP RAD* za izradu kućnih priključaka, koji slijede nakon što korisnici podnesu zahtjev. Potpisivanju ugovora su prisustvovali i predstavnici mjesnih zajednica Medakovo i Trepče, predstavnici građevinskog odbora, predstavnici *JP RAD* i koordinator na ovom projektu, sa kojima je održan i sastanak kako bi se dogovorile dalje aktivnosti.



## PREZENTIRANA STUDIJA TOPLIFIKACIJE

U okviru projekta *Toplifikacija Pousorja (općine Tešanj, Usora i Doboj Jug)*, izrađena je *Studija toplifikacije Pousorja*, koja je prezentirana 30. maja u sali Općinskog vijeća. Općina Tešanj je finansirala izradu Idejnog projekta toplifikacije općine Tešanj obnovljivim /ekološki prihvatljivim izvorima energije, a u izradu Studije se uključila REZAgenacija, u čijoj organizaciji je i pripremljena izrada Studije. Studiju su prezentirali konsultanti koji su radili na izradi: Domagoj Dodig, Agencija za investicije i konkurentnost RH, Davor Sušić, Agencija *Con-Vita* Zenica i Predrag Petrović koji je prezentirao energetske dio.

Prezentaciji su prisustvovali predstavnici REZ Agencije Maja Kišić i Pomoćnik Ministra za privredu ZDK Osman Buza.



## STRATEGIJA RAZVOJA OPĆINE TEŠANJ 2018-2020

Općinsko vijeće Tešanj je na 5. sjednici održanoj 02. marta 2017. godine, razmatrajući Informaciju o realizaciji Strategije općine Tešanj usvojilo zaključak da se krene u izradu novog strateškog plana za srednjoročni period, pri čemu se treba voditi obzira o planiranim ili započetim projektima u postojećoj Strategiji.

Općinsko vijeće je na 7. sjednici, održanoj 27. aprila 2017. godine, donijelo Rješenje o imenovanju Razvojnog tima za izradu Strategije razvoja općine Tešanj za period 2018-2022. Razvojni tim ima 17 članova a vođa tima je Fuad Šišić.

U okviru procesa izrade integrisane strategije razvoja, Razvojni tim ima zadatke:

- Identificiranje i uključivanje lokalnih aktera, analiza stanja i definisanje strateške platforme;
- Koordiniranje rada sektorskih radnih grupa pri izradi sektorskih razvojnih planova;
- Izrada plana Implementacije razvojne strategije;
- Izrada indikativnih sektorskih finansijskih planova i generalnog finansijskog plana;
- Izrada plana razvoja organizacionih kapaciteta i ljudskih potencijala za implementaciju Strategije.

Prilikom rada na nacrtu Strategije razvoja, radni tim se rukovodi Metodologijom za integrirano planiranje lokalnog razvoja u BiH (miPRO metodologija). Rok za izradu nacrtu ovog dokumenta i dostavljanje na razmatranje Općinskom vijeću je 15.09.2017. godine.

Sve informacije su dostupne na web stranici Općine Tešanj [www.opcina-tesanj.ba](http://www.opcina-tesanj.ba)

Dodatne informacije možete dobiti i putem e-maila: [strategija@opcina-tesanj.ba](mailto:strategija@opcina-tesanj.ba) ili na tel. broj: 032 650 - 022



# TEMATSKA SJEDNICA OPĆINSKOG VIJEĆA

U sali Općinskog vijeća Tešanj, 24. maja održana je 8. (tematska) sjednica Općinskog vijeća sa predloženim dnevnim redom:

1. Informacija o radu i poslovanju javnih preduzeća čiji je osnivač općina Tešanj za 2016. godinu:
  1. JP "Rad" Tešanj
  2. JP "Toplana" Tešanj,
  3. Agencija za razvoj općine Tešanj - TRA
2. Informacija o radu i poslovanju javnih ustanova čiji je osnivač Općina Tešanj za 2016. godinu:
  1. JU Opća Biblioteka Tešanj,
  2. JU Centar za socijalni rad Tešanj,
  3. JZU Apoteka "Tefarm" Tešanj,
  4. JZU Opća bolnica Tešanj,
  5. JU Centar za kulturu i obrazovanje Tešanj,
  6. JZU Dom zdravlja "Izudin Mulabećirović Izo" Tešanj,
  7. JU Sportsko-rekreacioni centar Tešanj,
  8. JU Muzej Tešanj.




Nakon rasprave o svim tačkama dnevnog reda, Vijeće je donijelo zaključke i smjernice za rad javnih ustanova i javnih preduzeća u narednom periodu.

## NOVA VERTIKALNA I HORIZONTALNA SIGNALIZACIJA

U sklopu redovnih aktivnosti ljetnog održavanja cesta na području općine Tešanj urađena je horizontalna i vertikalna signalizacija. Pored obnavljanja središnjih i rubnih linija, pješačkih prelaza, parkinga, saobraćajnih ostrva, zaustavnih linija te postavljanja saobraćajnih znakova kod svih škola urađena je vertikalna i horizontalna signalizacija u cilju što bezbjednijeg kretanja učenika pješaka.

Na inicijativu Udruženja privrednika za dodatnim mjerama smirivanja saobraćaja kroz Industrijsku zonu Bukva zbog velike frekvencije vozila, Općina Tešanj je iskoristila mogućnost da sa posebnim znakovima upozori vozače da prilagode svoju brzinu kako bi izbjegli situacije koje svakodnevno gledamo na našim cestama, a prouzrokovane upravo zbog brze vožnje. Ovu aktivnost nastavljamo i dalje na cijelom području općine uz škole i mjesta sa pojačanim frekvencijama vozila kako bi zaštitili pješake, a naročito djecu u blizini škola.



# POTPISANI UGOVORI ZA NAJBOLJE POSLOVNE IDEJE MLADIH

U okviru Sajma privrede, potpisani su ugovori o poticajima u svrhu pokretanja vlastitih biznisa sa devet budućih poduzetnika - **Harisom Smajlhodžićem** (proizvodnja madraca, nadmadraca i dr.), **Zinom Ahmićem** (proizvodnja pčelinjih proizvoda), **Mirnesom Huseljom** (proizvodnja pločastog namještaja), **Smailom Galijaševićem** (elektroenergetsko projektovanje), **Enisom Džananovićem** (dizajniranje enterijera), **Elmirom Kadušićem** (kreativno učenje stranih jezika, lektorisanje i sl.), **Harisom Čauševićem** (proizvodnja tapaciranog namještaja), **Amelom Magličem** (pakovanje ugostiteljskog šećera i drugih proizvoda) i **Miralemom Hadžanom** (restauracija drvenog namještaja).



Po strukturi ideja vidi se da je riječ o dosta proizvodnje i dosta inovativnih ideja - od proizvodnje madraca, tapaciranja namještaja do nekih poslovnih ideja koje se odnose na edukaciju i razvoj. Broj prijava je puno veći nego ranijih godina, i iz godine u godinu prijave su kvalitetnije i sve je više novih ideja, kao i mladih ljudi koji se odlučuju da rade. Uostalom poruka Sajma, pa i ovog projekta je da se ljudima daje prilika u BiH da žive i zarađuju od svog rada, da kvalitetno provode svoje vrijeme i da doprinose ukupnom razvoju Bosne i Hercegovine, kazao je Općinski načelnik Suad Huskić.

Projekat Poslovne ideje mladih pokrenut je 2011. godine i do sada je ponudio različite projekte mladih ljudi. Po ovom modelu Općina finansira troškove registracije preduzeća, doprinose za dio zaposlenih u periodu do 3 godine, a u određenim slučajevima Općina je finansirala troškove zakupa poslovnog prostora.

## MARŠ MIRA TEŠANJ – SREBRENICA 2017

U utorak, 4. jula u 8,00 sati ispred Centralnog spomen obilježja u Tešnju grupa tešnjaka je krenula na Marš mira Tešanj-Srebrenica 2017.

Organizator i ovogodišnjeg Marša mira je Udruženje Klub prijatelja Srebrenice. Građanima koji su došli da isprate ovu grupu, prigodnim govorom obratili su se Općinski načelnik, predsjednik Udruženja Klub prijatelja Srebrenice, vođa puta i predstavnik Udruženja Prosvjetitelj iz Srebrenice.

Na ovogodišnjem Maršu mira iz Tešnja učestvuju predstavnici Udruženja građanja Klub prijatelja Srebrenice, grupa građana iz MZ Trepče i predstavnici Biciklističkog kluba Tešanj.



Marš mira je pješački pohod, koji se održava u sklopu obilježavanja godišnjice genocida nad Bošnjacima u Srebrenici i njenoj okolini, s ciljem odavanja počasti žrtvama genocida te podsjećanja na stravične zločine.

## TRI MILIONA PET BOCA



Povodom sakupljenih tri miliona PET boca (150.000 kg PET ambalaže) Općinski načelnik Suad Huskić direktorima osnovnih škola sa područja općine Tešanj uručio je ček u iznosu od 10.000 KM kao nagradni fond za ovaj projekat. Osim direktora, svečanosti je prisustvovao i koordinator na projektu PET.

*Koristim ovu priliku da čestitam svim prisutnim na postignutom uspjehu. Ovaj projekat je veoma značajan za društvenu zajednicu i drago mi je što sam u prilici da u ime općine Tešanj dodjelim učenicima i školama jednu ovakvu stimulacionu nagradu, kazao je Općinski načelnik Suad Huskić.*

Ovom prilikom svi prisutni su iskazali zadovoljstvo zbog implementacije ovog projekta, kao i značaj u razvijanju svijesti prvenstveno kod učenika koji su najzaslužniji za ovu aktivnost.

## POTPISANI UGOVORI U OKVIRU PROGRAMA OMLADINSKE BANKE

U Općini Tešanj su potpisani ugovori sa osam neformalnih grupa mladih ukupne vrijednosti 35.000 KM, a u okviru Programa Omladinske banke za 2017. godinu.

Radi se o društveno–inovativnim projektima: *Sigurno za dječiji osmjech, Buđenje kamenog diva, Beach rugby, Dobra vrba 2, Jezero mladih, Posvetimo pažnju mladima, Veseli park i Škola stonog tenisa za djecu i odrasle sa poteškoćama u razvoju.*

*Ono što nas raduje jest da su mladi sa prostora općine Tešanj sve aktivniji u realizaciji projekata, tako da ove godine zaključujemo ugovore sa osam grupa mladih. Osim što mladi moraju realizovati projekat, oni prolaze određene kurseve, imaju obuku kako napisati te svoje projekte, kako ih realizovati, kako razmišljati i kako ta sredstva rasporediti na što bolji način, kazao je Mirnes Dedukić, službenik za mlade Općine Tešanj.*

Općina Tešanj u saradnji sa Fondacijom Mozaik provodi ovaj Program već devetu godinu i kroz različite projekte implementirano je oko 500 hiljada maraka. Inače, program Omladinske banke ima za cilj da poveća učešće mladih u razvoju lokalnih zajednica kroz aktivnu ulogu u procesima donošenja odluka, te pružanje podrške aktivnostima mladih u njihovim zajednicama kroz dodjelu bespovratnih novčanih sredstava projektima neformalnih grupa mladih.



# DEMINIRAN PROJEKAT KASETNE MUNICIJE TEŠANJKA

Od strane izvođača *HO Norveška narodna pomoć Sarajevo (NPA)* predstavnicima Službe civilne zaštite Općine Tešanj, u prisustvu BHMAC-a – RU Tuzla, predata je deminirana površina projektnog zadatka kasetne municije *Tešajnika ID KM-T-0009*, površine 24.710 m<sup>2</sup>. Ovo je posljednji od četiri projekta kasetne municije koji su realizovani na području općine Tešanj.



## SANACIJA POSLJEDICA OD KLIZIŠTA I POPLAVA

U okviru provođenja hitnih i preventivnih mjera sanacije posljedica od klizišta i poplava na području općine u proteklom periodu izvršena je sanacija dva klizišta koja su svojom aktivnošću ugrožavala putnu i stambenu infrastrukturu. Radi se o klizištima *Alibalići* u MZ Ljetinić i *Put Pejičići* u MZ Dobroopolje-Mekiš. Pored klizišta nastavljena je aktivnost na čišćenju korita vodotoka i kritičnih tačaka, koji mogu usloviti izlivanje i plavljenje zemljišta.



## NABAVKA I DOGRADNJA CISTERNE ZA VODU

U okviru opremanja civilne zaštite, tokom mjeseca maja je izvršena nabavka i dogradnja opreme za vatrogasnu cisternu za vodu, koja je do sada imala svoju upotrebu u dopuni vodom vatrogasnih vozila na intervenciji i dostavi pitke vode stanovništvu. Dogradnjom topa i ugradnjom nove pumpe i brzog vitla postojeća cisterna za vodu je stavljena i u funkciju gašenja požara. Nabavku i dogradnju opreme je izvršila tešajnska firma *Bravarsko-linarska radnja Saltagić Jelah*





# LJETO U TEŠANJU

2017

- ✓ **OTVORENE MANIFESTACIJE & izložbe slika iz fundusa Likovne kolonije Tešanj,** petak, 7. juli, 17 sati, CKO
- ✓ **Performans - U spomen Srebrenici,** ponedjeljak, 10. juli, 18 sati, Biblioteka
- ✓ **Otvorenje izložbe o Srebrenici - Preživjeti je moguće samo sjećajući se,** srijeda, 12. juli, 18 sati, Gradina
- ✓ **Monodrama prema poeziji Mile Stojića - Ova zemlja u kojoj utjehe nema,** petak, 21. juli, 18 sati, CKO

- ✓ **Otvorenje izložba Mehmeda Džanovića - Znakovi,** srijeda, 2. august, 19 sati, Eminagića konak
- ✓ **3na3 - Street basketball turnir,** subota, 5. august, 9 sati, Plato ispred OŠ Huso Hodžić
- ✓ **Likovna kolonija Tešanj 2017,** četvrtak, 10. august, 19 sati, Gradina
- ✓ **Otvorenje proširene historijske postavke Muzeja Tešanj,** petak, 18. august, 19 sati, Gradina

- ✓ **Promocija knjige Fikreta Muslimovića i Selme Cikotića - Alija Izetbegović, mislilac i državnik,** utorak, 22. august, 18 sati, CKO
- ✓ **Obilježavanje 25 godina TRN-a,** petak 25. august, 18 sati, Biblioteka
- ✓ **Koncert Radosti bajrama,** subota, 2. septembar, 19 sati, Plato ispred CKO
- ✓ **Međunarodni turnir u stonom tenisu Tešanj open 2017,** nedjelja, 3. septembar, 10 sati, SRC

- ✓ **Promocija knjige pjesama Velide Zukan Đogaz - Živci ništa ne govore,** ponedjeljak, 4. septembar, 18 sati, CKO
- ✓ **Promocija knjige Mehmeda A. Akšamiće Letter pismo brief list i risalet,** petak, 8. septembar, 18,30 sati, Atrij Medžlisa IZ Tešanj
- ✓ **Tribina povodom 75 godina fašističkog zločina - Holokaust u Tešnju,** subota, 9. septembar, 17 sati, CKO
- ✓ **Međunarodni festival folkloru Tešanj 2017,** subota, 9. septembar, 19 sati, Plato ispred OŠ Huso Hodžić

- ✓ **Pozorišna predstava za djecu Igre u pjesku,** nedjelja, 10. septembar, 19 sati, CKO
- ✓ **Izložba o Maku Dizdaru, uz stogodišnjicu rođenja,** ponedjeljak, 11. septembar, 18 sati, CKO
- ✓ **Promocija knjige Jagode Iličić - Kako preživjeti smak svijeta,** utorak, 12. septembar, 18 sati, Biblioteka
- ✓ **Pozorišna predstava za djecu Bosanska bajka,** četvrtak, 14. septembar, 18 sati, CKO